



UNIVERSITÄTS-
BIBLIOTHEK
PADERBORN

Universitätsbibliothek Paderborn

Ioannis Barzaei Herovm Helvetiorvm Epistolae

Barzaeus, Johannes

Fribvrgi Helvetiorvm, 1657

6. Actus quosdam generosiores Heluetiorum.

urn:nbn:de:hbz:466:1-13014

Calculus, atque acres Dysuria, & hernia, pestes,
 Tam sibi præsentes nusquam habuere DE OS.
 Testantur reliquas suspensa anathemata febres,
 Ad tumulum magni quæ cecidere Viri.
 Herculei hinc certè cecidit contagio morbi,
 Siue Epilepsis erat, siue phrenitis erat.
 Annè igitur mirum, si vulgi vocibus audit,
 Morborum requies publica, certa salus?
 Salue stelligeri Iaspis pretiose Palati,
 Gloriæ inauratâ jam redimite stolâ.
 Helueticæ Tu gentis honos. Tibi patria festos
 Instituet, memori semper amore, choros.
 Perge, age, certantem mundani in puluere circi,
 Pastorî æterno conciliare, gregem,
 Sermo sed hinc tanti ne Principis obruat aures
 Longior, imposito, Littera, fine, tace.

A. Nascitur mundo Nicolaus, Anna Domini 1417. die XXI.
 Martij. B. Nascitur cœlo Anno 1487. eodem Mensis Martij Die
 qui Diuo Benedicto est sacer. C. erat Episcopus Laußannensis. &c.

VI.

ARGUMENTVM.

Generosissima populi Heluetici acta, ve-
 glitationes & prælia, cum præ multitudine ex-
 ponii non possint singula; visum est eorundem non-
 nulla in angustam Epistolæ huius epitomen redigere,
 & grandiores cothurnos merita, parcioris Camœnæ
 versiculis Lectori insinuare potius, quam explicare:
 authòribus ipsis, quos inspicere licuit, in epistolæ
 calcem reiectis.

CARO-

CAROLVS A MONTENACH,
 CONRADO ZVR LAVBEN, Equiti
 Ordinis Sancti Michaëlis, Tugij
 Landamanno.

*De admirandis quibusdam actibus Helue-
 torum.*

TV quoq; nostrorum traheris virtute parentum?
 Tu proauorum actus, & belli turbine partos,
 Alite Castalio, gestis audire triumphos?
 Dulce quies operum: dulce eit meminisse peractos,
 Otia nunc inter patriæ secura, labores.
 Tam variâ sed enim mixtam farragine telam
 Quis tibi pertexat? Certè tot bella vetustis
 Bellata Heluetijs, tot nobilitata trophæis
 Prælia, concessam toties à Numine palmam,
 Fusosque è patrijs tam læpe penatibus hostes.
 Nucleus angustæ nequeat comprēndere chartæ.
 Iliadem exæquant Bellonæ monstra, vel unam
 Sparfa per Heluetiam; quorum jam pleraque dudum
 Nacta fuere suos, vario scriptore, cothurnos.
 Sempacum canitur; celebratur opima Morati
 Laurea: defensæ virtus heroica Laupæ,
 Palmaque Morgarti, Dornaci præda, per omnes
 Cantantur plateas. Stat vulgi animosus in ore
 Tellius: elati funesta tragædia passim
 Caroli, & Helueticæ resonant præconia famæ.
 Pridem habuere suum Suicera epinicia prælum.
 Magnanimâ patrata tamen compluria dextrâ
 Acta tibi ut memorem, quod amice præcaris amicum,
 Pauca ex innumeris, summatim expressa, capesse.
 Si paritatem, ullam reperit natura, videtur
 Heluetus Herculeum gestis æquare vigorem.
 Ille flagrans Heroum oculus, cùm præcoce facto,
 Paruulus in teneris etiamnum pusio cunis
 Insidiatrices elideret ungue cerafas;

Terruit unâ omnes tam nobili adorâ, & orbi
Amphitryoniacos præfigit inde triumphos.

Prognosis, primo rata si spectetur ab æuo,
Inclita & à nostris præfigia lume pusillis.

Altero abhinc seculo, cùm *Sneuica bella* per agros
Orta forent patrios; chorus ecce infantium, aprico
Addictus fabulo, consueta crepundia circum
Ludere, & in sicca considere cœpit arenâ.

Lusus erat pueris, cùm proximo ab hoste, repente
Exonerata grauem, cum ingenti murmure, glandem
Balista euomuit; quæ raucis stridula bombis
Irruit in blandi gremiumque sinumque puelli.
Suscepit igniuomam cordatus pusio sphæram.

Et manibus versando rotat: viuaceque demum
Indole, nil digitos, nil membra tenellula læsus
Abiicit insuetum, ceu pondus futile, monstrum. a.
Si tanti teneros reputantur gesta sub annos.

Omen & istud habet: confer Tirynthia nostris
Robora cum pueris; te prævia signa decebunt.

Nec tonitru pyrio, nec fartis sulphure sphæris,
Nec ballistarum reboanti fulmine, fortes

Terreri Heluetios. Hac indole prædictus olim
(Ignea ubi lœuam jam ursere tonitrua pugnam)

Centurio Suicerus ait; Si quispiam in isto

Tela gerit campo, cui tam furibunda pauentem
Inijciant tormenta metum; Vel si quis asylo

Defensare suam cupit hoc in puluere frontem;

Me petat intrepidus: titubanti hic cuique licebit

Quærere, ponè meum, sua propugnacula, tergum: b.

Vir planè, armilonus quem nil mouet impetus, hic
Mætia si nostri memorare trophæa FRIBVRGI. (stat.

Mens forer, Heroës effarem uno ore trecentos,

In medijs quorum vox hæc fuit unica telis, (stat:
Heluetus, armicrepus quem nil mouet impetus, hic

Quæ Patrum arbitrio, Cantones inter & Vrbes
Eminet Helueticas, etiam hic Respublica primum
Obtineat TIGVRINA locum. Numerauerat orbis
Secula jam tredecim post prolem ex Virgine natam;

Cùm Tiguri Canto, bruniam intendente Decembri,

Arma-

Armatorum aciem Badenæ misit ad urbem.

Turba quadringentum fuerat selecta Virorum,
Plus animi quam plebis habens; quæ Marte secundo
Thermopoli egrediens, dum nullum somniat hostem,
Insidiarum amplos Detuille offendit aceruos.

Quattuor Austriadum latitabant millia, quorum
Rexerat armigeras dux *Ellerbachius* alas.

Dux aberat nostris; Christo tamen auspice freti,
Et solitis neruis, animisque ingentibus usi,
Teutonicum expugnant, pugnando viriliter, agmen,
Algor & ardor erat; facta antiperistasis illic
E Suicerâ omnem deduxit pube calorem.

Insidiatrices exenterat illa cohortes,
Inque fugam redigit, septingentisque necatis.

Tam vafro eximum deportat ab hoste trophæum.

Ni parui pendas, quod millia quattuor, uno,
A quadringentis sint fusa heroibus, actu.

Quadraginta ipsos acies Tigurina reliquit.

Quando legis toto diuinos orbe Britannos,
Egregie quondam nostrâ tellure fugatos,
Ictosque Helueticis reminiscere viribus, Anglos.
Buttisholzensem postquam hic exercitus agrum
Vastare occæpit; Lanionum animosa repente
Cerdonumque manus, neruisque animisq; potentes
Luceriae ciues, rarique è rure coloni,
Pertæsi illuuiem præ viperâ & angue Britannam,
Stare loco nequeunt: præter decreta Senatus,
Arma sudesque legunt, atque acrius impete facto,
Dum sine lege graues bacchantur in hoste bipennes,
Fata Caledonijs, lethumque immane tribunis
Accelerant: prædæque auidos, nec patria rursum.
Prædia, nec celeres patiuntur inire triremes.
Horum etiam densas simul ac *Fraubrunna*, phalanges,
Cænobio spectata, tulit; clarissima ferrum
(Sæuirent mediæ quanquam horrida frigora brumæ)
Corripit *Arctopolis*: peregrinam milite lecto
Agreditur gentem: numeroque tot hostibus impar,
Via tamen solidis, Majorum more, lacertis,
Plùs octingentos, trans Anglicæ cœrula natos,

Ad stygias detrudit aquas: Satrapasque, Ducesque,
Plebejosque ferit, Labarisque potitur, & amplas
Captat opes, donec generosa exterrita turbâ
Sentina Albionum, grandique repulsa ruinâ
Præcipitante alias inquireret agmine terras.

Quattuor aut quinos amisit Berna strategos. d.
Digna cedro res est, cuneis tam ingentibus hostem,
Quem decies septem fuerant comitata virorum
Millia, quem vasti metuebant oppida Rheni,
A tantilla acie tantâ perisse ruinâ. e.

Hoc etiam seclô, cum brumam pellere verni
Cæpissent Zephyri, calthasque thymumq; recentem
Chloris, & egelidos retulisset terra teores;
Cantones socij Clarona ac Suitum, ab acri
Penè incredibilem retulerunt hoste triumphum.

Ad juga Nephelia, ter millia quinque virorum,
Austria, belligerûm sœuis produxerat armis,
Depopulando omnem latè vastantia terram.

Quinquaginta igitur quantociùs, atque trecenti
Confluere Heluetij, rapere arma, rotare macheras,
Arreptare sparos, & telum quisque propinquum
Tollere, Germanosque unitâ inuadere dextrâ.

Pugna repente acri; quodque admirabile dictu,
Viua quod Aonij meruit præconia Pindi,
Ter centum Heluetici, quinquagintaque coloni,
Bellipotentûm hominum sub cælo Teutone cretûm
Quinque decemque simul profligant millia; denis
Augentur Labaris; hostes bis nille, cruento

Quingentosque necant gladio: pars multa profundis
Mersa expirat aquis, cum respirare relicti
Vix possent profugi. Tam prodigiosa vicissim

Militia, è nostris viginti quinque peremit. f.
Digna quidem virtus, quam nunc Clarona quotannis.

Excitura suos ad facta heroica ciues,
Commemoret, festosque dies, ritusque celebres,
Grata DEO, instituat; partique insigne triumphi,
Tamque sibi dextrum generosa celebret Aprilem.

Quâ transalpinum Vallis Liuinia monstrat
Iornicum in Vraniae visendum margine pagum.

Patriæ

Patriæ inauditam tribuit Lombardia palmam.
 Dux, cui parebat Mediæ- prouincia lanæ,
 Bello finitimas id temporis obruit oras,
 Et jam quindecies Italorum millia, fines
 Misit in Helueticos, qui mox euertere dictum
Iornicum, & ingressi penitus delere studebant
 Agmina præsidij. Sexcentos oppidum habebat
 In statione viros, illuc per summa Gothardi
 Culmina transmissos. Hi raptis ilicet armis,
 More recusantūm vincla iniçienda leonum,
 Excipiunt Italos neruisque ingentibus usi,
 Insubriumqne acies iterumqne iterumqne probatis
 Viribus aggressi, memorandâ strage profundas,
 Mille quadringentos abigunt, Plutonis ad umbras;
 Cetera quæque fugant vallemq; simulq; sinistram
 Ticini ripam, Lombardo sanguine complent.
 Conflictu in tanto non occidit Heluetus unus. g.

Si perpetratos *Ercurti* in finibus actus
 Hic etiam repetisse juuat, res gesta docebit,
 Sequana ab Italicis non discordare trophæis.
 Millia produci jussit tricena, ferocum
 Dux Burgundionum: processerat ipse Rotundo
 Magnicrepus de monte Comes, formidinis heros
 Terrorisque expers, ac pronus in Helueta castra
 Clamque palamque omnes effuderat undique vires.
 Stabant innumeris tormenta aduecta quadrigis,
 Fulmineas minitata pilas: replebat arenam
 Acer, & omnigenis pollens exercitus armis.
 Freta tamen Superis, animosque induita viriles
 Heluetica de gente phalanx, ingentia promit
 Robora, Burgundas propulsat ab aggere turmas,
 Clara trophæa refert, spolijs ditatur, & hosti
 (Millia sanguineus cui bina vorauit hiatus)
 Vade, ait, atque alias posthac inquire tabernas.
 Liba lacestisq; non dant meliora popinæ.
 Conflictu in tanto non occidit Heluetus unus. h.

Gransonij notam cum pugna flagraret ad urbem,
 Vsa indefessis fuit & Basilea lacertis.
 Plus octingentos mittebat ab urbe tribules,

Heluetiæ immanem qui luctarentur in hostem.
Luctantur, feriunt, certamina grandia certant,
Hedua discurrunt per castra, per agmina: & ecce
Conflictu in tanto nec Rauracus occidit unus.

Fortè Brigantinum jam decedentibus annis
Gens Alemanna lacum cum trans-armata-fretâsse,
Et Patriam insidijs ferroque ignique petisset:
Incidit in Scyllam, dum aduerso Marte, voracem
Helueticæ plebi studet objectare Charybdi.
Namque ut flauicomos pubes Turgoica Sueuos,
Instructamque feris Legionem conspicit armis;
Tela simul, vix jussa, rapit, ferrumque manumque
Conserit, atque initam tam dextero acinace pugnam
Expedit, ut factâ Sexcentûm clade virorum;
Teutonico immensum portârit ab hoste trophæum.
Seriùs hæc legio (dum trans Acronia stagna
Degere non segnes vidit quoque Martis alumnos)
Seriùs optauit, vel non intrâsse carinam,
Vel ferro Helueticas non irritâsse secures,
Certè ubi sexcentos animam exhalâsse Sueuos
Præcipiti feruore videt: patriamque, lacumque
Clamat, & aduectas volucri petit impete puppes.
VNICVS è nostris vitalem perdidit auram. k.

Iusserat Hippotades alterno turbine Ventos,
A conjurati quatuor regionibus Orbis,
Turbare Heluetiam. Post Austri prælia & Euri,
Post Cori furias, Boreæ quoque fatus ab axe
Vectus Hyperboreo, violentis sœuijt alis.
Dornacum audisti, quod denso examine pressum.
Cæsarianorum cùm plus quam terna vorâsse
Millia, in Heluetico vix perdidit agmine centum.
Vberiorem autem petit isthæc laurea vatem.
Pauca his subijciam, sed quæ memorare latinus
Vix patitur calamus. Quâ diuitis ubere glebæ
Eximios secunda parit Sundgouia campos,
Parturijt nobis famam Oxenfelda celebrem.
Heluetiorum acies Mulhusij agebat, & hostem
Illic grassante in crebris compescuit armis.
Quadraginta igitur, jussi comitare quadrigas

Annona

Annonā grauidas, Tauriscum fortè per agrum
 Ibant Suiceri, duro latus ense reuincti.
 Hos simul atque hostis, velut inter retia, structis
 Vedit ab insidijs; cùm in toto exercitu inanem
 Lusisset persæpe operam; Iam præda petitos
 Incidet in casses; Iam bubulus, inquit, aceruuſ
 Mugiet, & nostras cadet hostia cæta sub aras:
 Offeret Helueticos hæc Oxenfelda juencos.
 Ergo Alemanni Equites, rapidi velut aura, trecenti,
 Quadraginta istos, ferroque, ignique, manuque
 Vrgent Heluetios. Quid ad hæc tam dispare Marte
 Turbula? quid tanto circumdatus aggere cætus?
 Perstat, ut in clauso flauescens bellua circa,
 Et patrias, de more vibrans agitansque secures,
 Teutonicam nunc dextrâ acie, nunc parte sinistrâ
 Impetit orchestrā; jamq; hos, jamque impiger illos
 Demetit, ac tanto feroore fatigat, ut omnem,
 Ni procul aufugiant, reputent periisse salutem.
 Pars igitur profugit; pars defalcata caballis
 Desilit; effuso pars innarat icta cruxi.
 Quod superest, celeres superat currendo capellas.
 Sicque Lucerna tuos insignis palma tribules,
 Sic satyra Alsaticos exceptit, digna, Thratones,
 VNICVS è nostris vitamque animamq; profudit. *I.*
 Bruderholzi eadem facta est prolusio. Stabant
 Cæſarianorum simul octo millia. Nobis
 Vix octingentū præstò fuit ala Virorum,
 Missorum Arctopoli, Salodoro, atque urbe Lucernâ.
 His consulta quidem suasit Basilea, cauerent
 Multa in vicinâ latitantia millia siluâ
 Germanorum acres huc confluxisse phalanges,
 Grex contrâ Helueticus: Procul, ô procul ablit, ut ullū
 Inijciat nobis acies Alemanna tremorem:
 Cæptum agitamus iter. Quod si contraria Nobis
 Agmina, & è toto seges obuiet ærea Rheno.
 Stabimus: ac solito nil deficiente vigore,
 Et segetem & vasti penetrabimus agmina Rheni;
 Gustabit nostras seges hæc quoque ferrea falces.
 Quod dictum, factum. Prurigo acerrima luco

Proflit, ac nostris inhiat trutulenta cateruis.
 Stant tamen unanimis. Concurritur ordine prorsus
 Impare; quot nobis hominum centena, tot illis
 Millia: sed modicus dum cedere nescit aceruus,
 More leonino nunc insultantia truncans
 Agmina, nunc sellas & turgida ephippia sueto
 Sessore euacuans, Satrapamq; Ducemq; frequentem
 Mucrone exanimans; pulcherrima laurea nostros
 Transit ad Heluetios: Gens hostica namque suorum
 Territa cæde Ducum, per plana, per aspera præceps,
 Per loca quæque fugit, tortoqué simillima telo
 (Octoginta ipsis nostratum acinace cæsis)
 Transuolat una omnes, pauitante examine, campos.
VNICVS è nostris hostilibus occidit armis. m.

Parua ubi vitiferos disterminat *Harda Rheyuscos*.
 Nobilis hoc ipso Victoria fulsit in anno,
 Tendebat noster cautis Exercitus armis,
 Quærebatque suum, per inhospita lustra viarum,
 Perq; vepres medios, jam pugnæ audissimus, hostem;
 Ipsiis è castris procedunt mille, fugantur:

Dena Alemannorum succedunt millia, & acrem,
 Quâ face, quâ ferro, quâ accensi turbine nitri,
 Instituunt rabiem; pugnantque, fremuntque, boantq;,
 Turpiaque obscenâ jaciunt conuitia linguâ,
 Experta Helueticas necdum in certamine dextras.
 Verùm ubi despicimur, subit ecce inopina salaces
 Nænia Tritones, plexitque hæc scommata planctus:
 Vix tormentorum Germanico in agmine stantum
 Absoluere suos, crepitantia murmura, bombos,
 Tormenta Helueticos cùm naëta fuere magistros.
 Inde actus grauior; qui dum vehementius hostem
 Vrget, & AEaciam creberrima mittit ad urnam
 Funera, projectis fuga fit subitanea telis;
 Tanta quidem, ut patrios jam penè oblita penates,
 Pars urbem *Augustæ*, pars ultrà aufugerit *Vlme*.
 Plurimi ubi fūgitant, Nauesque impensis implent,
 Mortem haud effugiūt: queis telū ac mucro perpercit,
 Hos lympha extinxit. Numerantur millia quinque,
 Quos Thetis ac Mauors, spoliārunt lumine vitæ;

Mense

Mense cui sacrum tribuerunt Februa nomen.

TRES solūm Heluetios tam pugna cruenta peremit. n.

Subticiusse tuum, scelus est, *Fraſtentia*, bellum.

Sueuo Exercitui (quā summos Rhætia montes

Explicat) Helueticas placuit gustare bipennes.

Bina olli Legio, tormenta curulia vastis

Grandia ponderibus, locuples annona, paratus

In bella eximius: quorum sibi singula certam

A parte hostili poterant promittere laurum.

Sed solidi quid bella ferant? mutatur in omnes,

Carpathium Mauors imitatus Protea, formas.

Vrania Henrici genitrix *Vollebij*, ad isthæc

Heluetiæ egregium concessit bella Cononem.

Hic sibi commissam, dum ingenti dicit & ornat

Dexteritate aciem, duodenaque millia lectis

Agreditur socijs; velut ipse Polymnius heros,

Pugna cui æternam generauit Leuctrica famam.

Occidit, inque suo clausit sua fata triumpho.

Occidit, at pœnas in imicâ à gente recepit.

Helueta namque cohors ignitâ glande peremptum

Fortiter ulta virum, facto ilicet agmine, stantem

Icit adorta hostem, campo duodena fugauit

Millia, lethæas misit ter mille sub umbras,

Ylo submersos numerauit mille trecentos.

E chalybæâ acie (quingentis mille colonis

Ex Athesi missis) bombardiferisque Suëuis

Ter centum numero (quibus ipse Gradius in unâ

Omnium erat lingua) vix euasere ducenti,

Tormentorum ingens cataphractarumque paratus,

Cum quinis Labaris, quingentis ordine sclopis,

Tantillo insignem tribuere in tempore prædam.

VNDECIM in Helueticâ mortem oppetièrē cateruâ. o.

Suaderlocensem petit hæc quoque pagina stragem,

Majorum egregijs exercitam in hoste lacertis.

Necdum sedati post prælia tanta fuere

Germanorum animi, membranâ ac marmore dignos.

Mens erat Helueticâ de gente referre triumphos.

Plùs duodena Virûm Constantiâ ab urbe, fluebant

Millia, diuersas in bellum ascita per urbes.

Iamque

Iamque animis absorpta fuit Turgouia; jamque
Heluetiæ extremum est minitata Alemannia fatum.
Ermatinga quidem primam concesserat hosti
Lauream & oninigenum tam millia multa phalangum
Ausa fuere Viros incessere quadringentos!
Verum ubi flammigero lux postera falsit Eoo.
Respexit victrix nostras Tritonia partes.
Mille quadringentos animosa licentia ferri
Excijt Heluetios: Hos postquam ad Sueuica castra,
Rara per occultos deduxit semita calles,
Æternio dignam pugnârunt marmore pugnam.
Nam licet horrifcas hostilis machina spheras
Mitteret, ac totam tonitru confunderet æthram,
Terrore Helueticam nequijt confundere pubem.
Illa suas, ausuque alacri, virtuteque grandi,
Circumagens frameas; illa ensibus, illa farissis
Fortiter aggrediens aciem præpostere ouantem,
Instituit tantâ præludia bellica flamimâ,
Ut nimis incautos laniena asperrima sueuos
Frégerit; ac modicæ, bis millia sena, cohorti
Monstrârint tremulos, fugitiuo examine, talos,
Præter balistas, quas amisere, curules,
Mole suâ immensas, ac vastis quercubus æquas;
Bis quoque milleni, quadringentiique Charontis
Intrauere nigram, post tristia funera, cymbam:
V I G I N T I è nostris lethæ obière ruina. p.

Ad ripam undiuomi, sèclo anteriore, Lemanni
Fama per affines creuit quoque nostra Sabaudos.
Commodiore loco quingenti ac mille steterunt
Armati Allobroges: visi his cùm fortè tuissent
Quindecim ab Helueticâ, quadrigentiique, cateruâ,
(Quorum quisque ferè Iurassi erat accola) opimam,
Herclê, aiunt nobis dabit hæc Orchestra merendam,
Vixisti miser! Vobis nec quippe Geneuæ
Tecta, nec in patrios dabitur remeare penates.
Concurrunt, feriunt, ferro certatur & igni;
Plus quadringenti quadragintaque Sabaudi
Efflauere animas; reliquique fugacibus alis.
Deseruere cauo tentoria fixa Lemanno,

SEPTEM

SEPTEM ex Helueticâ, mors abstulit improba, turbâ,
 Occidit & mulier, sed non prius occidit, imum
 Quattuor Allobroges quâm præmisisset ad Orcum. q.
 Si memorâro actus, quos irrequia cis Alpes
 Gallia fortita est; paradoxa exotica, dices,
 Ac supra humanum memorari prælia rhombum.
 Quid potuit pugnis generosius esse duabus,
 Quas decinio quintô Mariagna Insubrica seclô,
 Et quas pugnari jam obsessa Nouaria, nostris
 Viderat à Proavis? Gallorum exercitus ingens,
 Ticini immensam qui penè æquabat arenam,
 Hinc secum AEtneos reputabat & inde Cyclopes,
 Aut terrâ genitos certamen inisse Gigantes,
 Heluetiorum octo non plusquâm millia (quorum
 Armatura leuis nulos fortita caballos,
 Nec catapultarum metuenda tronitrus) cædunt
 Celtatum innumeras, Alemannorumque phalanges,
 Quadrupedantûm aciē, peditumq; ingentia fundunt
 Agmina; fulmineo plus millia dena trucidant
 Ense, fugantque feros Italis è finibus hostes.
 Vedit, & obsidio jam exempta Nouaria, caras
 Suiceri populi transuexit ad astra, cohortes.

Quis modò, quis scribat Mariagnæ ad rura patratos
 Heluetiorum ausus? Mauortius ipse Monarcha,
 Francigeni qui sacra tulit diademata regni,
 Quinque Virûm decies produxit millia, & omnem
 Militiæ neruum: ducto tamen agmine, nostris,
 Vix quinquaginta defendit millia, ab armis,
 Solus ad occasum primo pugnabat ab ortu
 Heluetus, & noctis vix passus abire tenebras,
 Horrida Sanguinei repetit tarantara belli,
 Ac nisi tanta tuas, Rex inuictissime, turmas,
 Copia munisset; quanquam insuperabilis, armis,
 Gallia, ab Helueticis foret hîc superata colonis.
 Vedit, & obstupuit dux ipse TRIVVLTIVS, altum
 Aufoniâ de stirpe genus: tandemque machæris
 Territus Helueticis, Cæli, inquit, sidera testor,
 Quæcunq; hæc gens est, Heroum sanguine creta est;
 Heroum hic animus, tota est heroica virtus,

Odo.

Octodecim egregias, jam castra secutus & ipse
 Pugnaui pugnas, ubi grandis utrinque resulxit
 Belligerantum ardor: quibus hanc si confero luctam,
 Inde meros homines, hinc mecum dicere cogor
 Dijs genitos certasse viros, Rhætiique Pholiique,
 Brachia sortitos; quorumque acerrima virtus
 Tela nihil Tarpeia timens, cælumque, Iouemque,
 Sideraque, & magnos ausa est inuadere Diuos. f.

Sed nec Ibera acies, vis quanta sit Helueta, nescit.
 Grande rei specimen, ne exemplis pluribus utar,
 In Pedemontano, Cerasulæ inclaruit, agro.
 Germano- Hesperias, quas Vasti Marchio duxit
 In campuni turmas, numero ipso & robore grandes.
 Agmina funesta superarunt Franca ruinâ,
 In bellum ascitis è nostrâ gente cateruis.
 Vix alibi tanto sudauit Celtiber æstu.

Daualus erupit; perierunt millia Iberi
 Agminis octodecim; rem tormentariam, & omnes
 Perdidit hostis opes. Quidnî Victoria digna
 Principe Borbonio? Digna est adamante perenni
 Laurea. Sanguineæ sed qui spectator arenæ
 Marte flagrante fuit; poterit vel judice Franco,
 Dicere; Supremos palmæ tam illustris honores,
 Et decus, & parti caussamque caputque triumphi, t.
 Post cælum, Helueticis jure adscribenda lacertis.

Heluetiorum operâ Saracenos sæpius audis
 Italiâ pullos; Latiumque, urbemque Quiritum,
 A tam sacrilego diuini nominis hoste
 Olim defensam. Redierunt tempora nuper,
 Ut rerum Dominæ Romano à Cæsare pressæ,
 Auxiliatricem nî protinus Helueta tellus
 Transmisisset opem (Francas moderante phalanges
 Principe Guisiadum) trabeati tecta Quirini,
 Templaque Tarpeiæ periissent funditus Urbis:
 Restituit pressam virtus tamen Helueta Romam. u.

Quando Equites nigros, importunissima Gallis
 Monstra, subinde audis; oculo scrutare recentes
 Celtarum historias: Te res bene lecta docebit,
 Infinita hominum, quos protulit Orbis & Orcus,

Quos

Quos Alemanna imis tellus collegit ab antris,
Agmina, Liligeri cladem sitientia regni,
Viribus Helueticis ad regia classica ductis,
Non secūs ac tenuem mox expirāsse vaporem. vv.

Absit, ut hæc memorans, Satyrā mordace propin-
Insultem populis, Martisq; è casside natos (quis
Arbitrēt Heluetios. Sua cuique est tessera, virtus:
Quemq; suum facinus, sua quemq; industria laudat:
Qui tamen acta patrat; quæ nemo patrauerit alter,
Iure suo altisonum monumenta illustria vatūm,
Famæque emeritos capit applaudentis honores.

Quis VVinkelriedos non tollat ad æthera? quorum
Alter ut hostili portaret ab agmine palmam,
Robore inaudito, nimiumque audacibus ulnis,
Vnā aciei omnes in se unum attraxerat hastas.
Alter ubi immanem patrijs in saltibus hydram
Audijt horribiles quanquam ipse attolleret iras,
Pestifero stygium diffundens ore venenum,
Mittit in arma manus, vocat in certamina monstrum.
Sibilaque, flamasque acres. sulphurq; vomentem
Montique æqualem, necat autu ingente, Draconem. x.

Clarone ciuis, Ioannes VVallius, actu
Claruit egregio. Multa hunc jam vulnera passum,
Sanguineque aspersum sentina inuasit equestris,
Viginti Austriadūm. Ioannes ergo farissam
Arripit; armatos incessit & ipse caballos,
Agrediturq; viros; turmamque hinc inde recuruos
Flectentem gyros, tam scitâ intercipit hastâ,
Ut tribus enectis, reliquisque è puluere trusis,
Victor in attritâ solus perstaret arenâ. y.

In bellis Italij Siluania terra stupendum
Protulit Heroëm, Iordanij nomen habebat,
Dignus ferre suam Iordanis ad ostia famam.
Hic, ut materies semper generosa patrandæ
Estet virtutis; viso procul hoste, reclusas
Esse urbis portas pro vallis stare farissas
Iusserat, atque ipsos ultro inuitauerat hostes,
Nec solùm in lingua stetit illi Marspiter, ori
Dextra fuit concors. Assueta hic forte bipenni

O

Muni-

Munitus steterat; cùm ferrea turba repente
Profilit, & magnis Iordanum insultibus urget.
Feria nulla Viro, comprensat utroque bipennem
Police, & haud vanis ferit hunc, ferit ictibus illum.
Donec ad infernam Viginti denique cymbam
Mitteret, ac reliquos sentiret abisse Darettes.

Vltima in Heluetico quæ nunc est Fœdere tellus,
Dissona ab heroo nequaquam est corpore, & inter
Vltima magnanimas non fert subsellia gentes.
APPENZELLA hæc est: quæ quanquam finibus arctis
Clauditur, & paucas armato efferre suëscit
Milite centurias; animi tamen igne, calentum
AEmula Spartiadum, virtute, ac robore supplet,
Quod numero defit; pridemque ingentibus ausis
Nunquam delendæ meruit præconia famæ.

Ipsius exiguas, cùm armatum quina virorum
Millia, fulmineo penetrassent impete terras;
Excita magnicrepo, sed nil exterrita, nimbo,
Non exspectatos audissima currit in hostes,
Et ferit, & mutilat, sternitque, atq; obuia truncat,
Et populabandos mucrone, bipenne, farissâ,
Sic ruit in cuneos; ut præclarissima ternis
Laureæ cùm Labaris, & jugi carmine dignus
Appenzellanâ steterint ex parte triumphus.
Deferit ergo initam farrago superstes arenam,
Adq; lacum positas remigrat properanter in urbes. I.
Infremuere hostes, auctisque repente maniplis,
Majori numero, furiâ asperiore, ferocem
Rursus in hos ipsos aciem duxere colonos.
Nil hosti deérat, peditumque equitumque potentes
Exhibuit turmas; loricæ, & ahenea moles
Muniit armatos: sed mox acerrima paucis
Appenzella viris, nec quadrupedante paratu,
Nec cataphractarum ferréis circundata vallis,
Currit in arma pedes: facit ardor & ira valentem;
Centurijs insultat ouans. hostilia docto
Castra quatit ferro; defalcat acinace stantes
Nobilitatis equos: quadringentisque cruento.
Enectis gladio, rursumque potita duobus

In

In stadio Labaris, furibundum exterminat agmen. 2.
 Talio ab irato mox quæritur, hoste, sed ipsum
 Egregiè exceptum, totidemque quot autè pereemptis,
 Pellit ad affines, pubes generosa, Rheguscos. 3.
 Insequitur profugos, per & alpera montium, & altas
 Marte animante, vias, non segni milite Rhætos,
 Vindelegosq; petit: Ceretisque, Athesiq; propinquis
 Bellum infert populis: & mox ultricibus armis
 Quinquaginta arces, ac ternas subjugat urbes,
 Ancipitemque sui parit omni ex parte timorem. 4.

Fortè per has ipsas, petulanti milite, terras
 Bacchata est Legio, technis nequissima belli,
 Cælum Erebumq; mouens, & iniqui more Procustæ
 Fanda, nefanda struens; quam fama ferebat, agrestum
 Dé grege Myrmidonum, vel ab ipsâ Colchidis irâ,
 Duxisse auspicium. Nihil hac atrocius unâ,
 Nil erat alperius: nec duri miles Vlyssi,
 Monstra Lycaonidum nec erant tam saeva ferarum.
 Olli vesaneo volitante per aëra signo,
 Sacrilegis inhiare strophis, hominesque Deosque
 Irritare ausi, maledicti Acherontis alumnas
 In sua castra Striges, totamque immitis Auerni
 Colluuiem, buccis vocitabant sape nefandis.
 Impia Vexilli fuit hæc inscriptio; Nobis
 Tartarus & Phlegethon, Nobis Cacodæmonis iræ;
 Et conjurati præsto sit myrias Orci. 5.
 Hanc hominum scabiem, tam insigni præside ductani
 Tot Genijs auctam, simul ac melioribus armis
 Appenzellanæ præsentem habuere cateruæ;
 Sistite monstra gradum, neu campo erumpite, clamant;
 Sistite, & in tragicum nobiscum intrate duellum,
 State Viri, & vestris si tanta est laurea telis,
 Tela quoq; ac nostros hodie tentate lacertos;
 Finem barbarico præsens dabit hora furori.
 Horrida mox pariter commiscent prælia, & acres
 Vtraque turba manus: ferit arduus æthera clamor;
 Feruor utrinque ingens, atque illicet exerit omnem
 Efferâ gens illinc hinc Appenzella calorem,
 Ista suis furijs, validis hæc freta lacertis

Styx tamen & Phlegethon, & Tartarus omnis, & Orc^s,
Atque imploratæ Legio scelerata Megæræ,
Victricem Heluetijs non eripuere coronani.

Illi sacrilegum scelerati è faucibus hostis
Extorquent Labarum; multisque ad Auerna redactis,
Exiguo totam pessundant agmine pestem,
Accumulantque nouis encomia parta trophæis.

Verba mihi desunt eadem tam sæpe probanti,
Iamque grauare tuas paradoxis pluribus aures
Fastidit calamus. Tiguri solius auitos
Quis canat Heroës? Quis facta ingentia Bernæ?
Prælia Luceriaz memoret? Quis carmine matrem
Fœderis Vraniam? Quis cordatissimum adumbret
Suitum? in exhaustos tulit olim hæc inclita tellus,
Fertque hodie Entellos. Generoso nomine profert
Belligeraturos Thuregum illustre Leones,
Berna potens Marios, ac semper ad ardua pronos
Germinat, ingenij nequaquam agrestibus Vrsos.
Luceria, ut belli coryphæos gignit Atridas,
Sic Libertati rediuiuos Vria Brutos.

Suitia Marcellos, parit Vnderualdia Scæuas.
Tugium alit Pyrrhos; fortis Clarona Cimones
Educat; AEmilijs floret Basilea; Camillos
Germinat impauidos prædonum virga Friburgum.
Et quod Thebæo Salodorum claret ab Urso,
Fert quoque Scipiades, nutritque acerrima belli
Fulmine; præstantes extrema Scaphusia nobis
Largitur Fabios; fouet Appenzella, tulitque
Haætenus egregios, animi virtute, Metellos.
Cantones Tredecim, Socijque, ac nobile corpus
Fœderis Heluetici, quod simplicitate sagaci,
Quod pietate viget; quod tam præstantibus actis
In sua supremos allexit fœdera Reges;
Iuris & Astrææ, bellique domique tenaces,
Martisque eximios enititur undique pullos.
Quos ego, ne forsan Crispini scrinia Lippi
Compilasse puter, prudens transmitto coœuis,
Quos alit uberior Permeſſidos unda, Poëtis.

A. Ita Io: Iac: Grafferus, f. 180. B. Iulius VVilhelm Zinc
gref,

gref, in apophthegmatis. C. Simler, Stettler, in Annum 1351. in libro, *Antlag Gottes* ponuntur Heluetij 400. D. Etterlin cum iisdem in An. 1375. &c. E. Munst. f. 495. qui asseri. Britannorum fuisse 70. millia. F. Simler f. 495. Grasser f. 88 G. Simler. f. 167. Grasser in An. 1478. f. 162. Iornicum vulgo Yrnis. H. Chronica D. Anton. Hafner. I. Grasserus. K. Etterlin. Anno 1448. L. Stettler, Etterlin. Anno 1468. M. Chronica Hafneri, cum citatis, & Grasser anno 1499. N. Stettler, Grasser, eodem anno. O. P. Idem, anno eodem. Q. Idem Anno 1535. R. citati cum Simlero Anno 1513. S. Anno 1515. T. Grasser, Hafner Anno 1544. Heluetiorum Phalangiarchus erat VVilhelmus Frölich Salodorensis Eques ac Colonellus generosissimus. V. Sub eodem. VV. Scriptores varij in annum 1562. Inter Heluetiorum coryphaeos erant generosi Viri, Ludouicus Pfyfferus Lucernas, & Petrus de Clery, Friburgensis, Equites, ut familiâ, sic virtute heroicâ vel maxime insignes. X. Y. Z. Grasserus alij. I. De his Dominus Stettler l. 3. f. 102. in Annum 1400. Munsterus l. 3. in Annum 1403. Labara hæc 3. spectabant ad 3. Vrbes ad Lacum Acronium sitas &c. 2. citati in Annum 1405. 3. 4. 5. Idem Stettlerus f. 103. 104. &c.

VII. ARGUMENTVM.

HENRICVM Borbonium Nauarræ Regem, Galliarum regni legitimum heredem, vi fæderis inter Heluetios & Rhætos aliquos, fouebant quoq; copijs suis Salodorenses, milite egregio in Gallias ducto: Sub præstantissimis belli ducibus VVallieris, Surijs, Greder, Schvvaller: atq; Saleris &c. Phalangiarco Laurentio Aregger, Viro ad dignitatem Equestrem, ac Salodor. Reip. Præturam merito virtutis, eucto. Hic bellis continuis præsens, pugnam Ligæ Francicæ fatalem, ad pagum YVRI patratam Victoriam Heluetiorum stipante fortitudine obtentam; & nonnullas Henrici Magni dotes, o-